

NYUMBA YA HAKI YA ULIMWENGU

1 Machi, 2017

Kwa Wabahà'i wa Ulimwengu

Marafiki Wapendwa sana,

Katika ulimwengu unaozidi kuunganika, mwanga zaidi unaelekezwa kwenye hali za kijamii za kila watu, ukitoa muonekano mkubwa zaidi kwenye mazingira yao. Wakati kuna maendeleo ambayo yanaleta matumaini, kuna mengi ambayo yanapasa yapime kwa uzito juu ya dhamira ya mbari ya binadamu. Upendeleo, ubaguzi, na unyonyaji unaoangamiza maisha ya wanadamu, vinavyoonekana kwa nje vyenye kinga kwa tiba zinazotumiwa na taratibu za kisiasa zenye hira. Athari ya kiuchumi ya mateso haya imesababisha dhiki iendeleayo ya wengi sana, hali kadhalika dosari za kimuundo, zilizojikita katika jamii. Hakuna ambaye moyo wake umevutiwa kwenye mafundisho ya Uzuri Uliobarikiwa anaweza kubakia bila kusukumwa na matokeo haya. “Ulimwengu umo katika msukosuko mkubwa,” Baha'u'lláh hueleza katika Lawh-i-Dunyá, “na akili za watu wake zipo katika hali ya kuchanganyikiwa kabisa. Tunamsihi Mwenyezi Mungu kwamba kwa rehema Aweze kuwaangazia kwa utukufu wa Haki Yake, na kuwawezesha kugundua kile ambacho kitakuwa chenye manufaa kwao wakati wote na katika hali zote.” Kadiri jumuiya ya Kibahà'i inavyopambana kuchangia kwenye uboreshaji wa ulimwengu katika kiwango cha mawazo na utendaji, hali zisizofaa zinazopitiwa na idadi kubwa ya watu itadai zaidi na zaidi uangalizi wake.

Usitawi wa sehemu yoyote ya jamii ya binadamu hauwezi kuachanishika na ustawi wa wote. Maisha ya pamoja ya jamii ya binadamu huteseka pale kundi lolote lile hufikiria juu ya ustawi wake lenyewe likijitenga kutoka ule wa jirani yake au husaka kipato cha kiuchumi bila kujali jinsi gani mazingira ya kiasili, ambayo hutoa riziki kwa wote, yanavyoathirika. Kizuizi sugu, basi, husimama katika njia ya maendeleo ya maana ya kijamii: mara kwa mara, uchoyo na maslahi binafsi vilivyotapakaa kwa kusabilia maslahi ya pamoja.

Viwango vikubwa mno vya kupita kiasi vya ukwasi vinalimbikizwa, na hali ya kutotengamaa kuletwa na hili inafanywa kuwa mbaya zaidi kwa jinsi kipato na fursa vinasambazwa bila uwiano kote baina ya mataifa na ndani ya mataifa. Lakini haipaswi kuwa hivyo. Hata hivyo hali kama hizo kwa kiasi kikubwa ni matokeo ya historia, hazipaswi kubainisha mstakabali wa baadaye, na hata kama mbinu za sasa kwa maisha ya kiuchumi zilikidhi hatua ya ujana ya binadamu, kwa hakika hazitoshelezi kwa ajili ya zama za mapambazuko za ukomavu. Hakuna uhalali wa kuendelea kuendelea miundo, kanuni, na mifumo ambayo hujidhihirisha kushindwa kuhudumia maslahi ya watu wote. Mafundisho ya Imani hayaachi nafasi ya tashwishi: kuna kipimo cha asili cha kimaadili kwa ajili ya uzalishaji, usambazaji, na utumiaji wa utajiri na rasilimali.

Mashinikizo yaibukayo kutokana na mchakato wa muda mrefu wa mpito kutoka ulimwengu uliogawanyika hadi ule uliunganika inahisiwa ndani ya uhusiano wa kimataifa, vivyo hivyo katika mivunjiko inayozidi kujikita ambayo inaathiri jamii kubwa na ndogo. Kwa mitindo ieneayo ya mawazo inayoonekana kuwa inahitajika sana, ulimwengu umo katika hali ya uhitaji sana wa maadili ya pamoja, mfumo wa uhakika kwa ajili ya kushughulikia migogoro ambayo hujikusanya kama vile mawingu ya mvua kubwa ya tufani. Muono wa Baha'u'llah huzipa changamoto dhana nyingi ambazo zinaruhusiwa kubumba mijadala ya kisasa – mathalani, maslahi binafsi, ukiachilia mbali haja ya kuyazuiwa, huchochea ustawi, na kwamba maendeleo hutegemea juu ya kujitokeza kwake kupitia ushindani usiokoma. Kuweza kuona thamani ya mtu binafsi hasa kwa kiasi gani mtu anaweza kujilimbikizia na bidhaa kiasi gani mtu anaweza kutumia kwa kulinganisha na wengine ni tofauti kabisa na wazo la Kibaha'i. Lakini si makusudi ya mafundisho hayakubaliani na kuruhusu ulimbikizaji mkubwa wa mali kwani kwa asili haipendezi au ni utovu wa maadili, na kujinyima kulikopitiliza hakuruhusiwi. Utajiri lazima uihudumie jamii ya binadamu. Matumizi yake lazima yapatane na kanuni za kiroho; mifumo lazima ibuniwe kwa kuzingatia hizo. Na, katika maneno yakumbukwayo sana ya Baha'u'llah, "Hakuna mwanga unaoweza kulinganishwa na mwanga wa haki. Uanzishwaji wa utaratibu ulimwenguni na utulivu wa mataifa hutegemea juu yake."

Ingawa Baha'u'llah hajaweka katika Ufunuo Wake mfumo wa kinaganaga wa kiuchumi, dhana isiyobadilika katika mafundisho Yake yote ni upangaji upya wa jamii ya binadamu. Ufikiriaji wa dhana hii bila kuepukika huibua maswali ya uchumi. Bila shaka, utaratibu wa baadaye uliofikiriwa na Baha'u'llah upo mbali mno na chochote ambacho kinaweza kudhaniwa na kizazi cha sasa. Hata hivyo, hatimaye utokeaji wake utategemea

jitihada inayohitaji bidii ya ziada ya wafuasi Wake kuyaweka mafundisho Yake katika vitendo hii leo. Tukiwa na hili akilini, tunatumaini kwamba maoni hapo chini yatachochea tafakari yenye hadhari, endelevu ya marafiki. Shabaha ni kujifunza kuhusu jinsi ya kushiriki katika mambo ya kimwili ya jamii kwa namna ambayo inapatana na maagizo matakatifu na jinsi, kiuhalisia, ustawi wa pamoja unavyoweza kuendelezwa kwa kupitia haki na ukarimu, ushirikiano kusaidiana.

Wito wetu wa kuchunguza matokeo ya Ufunuo wa Baha'u'llah kwa ajili ya maisha ya kiuchumi umekusudiwa kuzifikia asasi na jumuiya za Kibahà'i lakini umeelekezwa moja kwa moja zaidi kwa muumini binafsi. Ikiwa muundo mpya wa maisha ya jumuiya, uliopangiliwa juu ya mafundisho, uweze kuibuka, je, si ni lazima kwamba kundi la waaminifu lionyeshe kivitendo katika maisha yao wenyewe unyofu wa tabia ambao ndiyo mojawapo ya sifa zake bainifu kabisa zinazolipambanua? Kila chaguo alifanyalo Mbahà'i – kama mwajiriwa au mwajiri, mzalishaji au mtumiaji, mkopeshwaji au mkopeshaji, mnufaishaji au mnufaishwaji – huacha alama, na wajibu wa kimaadili wa kuishi maisha yenye upatano huhitaji kwamba maamuzi ya mtu ya kiuchumi yapatane na mawazo bora kabisa, kwamba usafi wa shabaha ya mtu uweze kuoana na usafi wa matendo ya mtu ili kutimiza shabaha hizo. Kwa kawaida, marafiki kidesturi hutazama kwenye mafundisho ili kuweka kipimo cha kutamani kukipata. Lakini kujihuhusha kwa jumuiya katika kuimarisha jamii humaanisha kwamba ukubwa wa vipimo vya kiuchumi wa maisha ya jamii lazima daima upate umakinifu wa uangalifu zaidi. Hususan katika klasta ambako mchakato wa ujenzi wa jumuiya unaanza kukumbatia idadi kubwa, maonyo yaliyomo katika Maandiko ya Kibahà'i hayana budi yaonyeshe kwa kwa kiasi kiongezekacho uhusiano wa kiuchumi ndani ya familia, ujirani, na watu. Wakiwa wasioridhika na viwango vyovyote vya manufaa vieneavyo katika utaratibu uliopo ambao unawazunguka, marafiki kila mahali hawana budi kuzingatia matumizi ya mafundisho kwenye maisha yao na, wakitumia fursa ambazo hali zao huwapatia, watoe mchango wao binafsi na wa pamoja kwenye haki ya kiuchumi na maendeleo ya kijamii popote pale waishipo. Juhudi kama hizo zitaongezea kwenye ghala iongezekayo ya maarifa kuhusiana na jambo hili.

Dhana ya kimsingi ya kuchunguza katika muktadha huu ni uhalisia wa kiroho wa mtu. Katika Ufunuo wa Baha'u'llah, ubora wa asili kwa kila binadamu umetangazwa dhahiri; ni kanuni ya kimsingi ya imani ya Kibahà'i, ambayo juu yake tumaini la mstakabari wa baadaye wa binadamu limejengwa. Uwezo wa roho wa kudhihirisha majina yote na njema za Mungu – Yeye Ambaye ni Mwenye huruma, Mpaji, Mkarimu – umehakikishwa mara kwa mara katika Maandiko.

Maisha ya kiuchumi ni uwanja kwa ajili ya uonyesho wa uaminifu, uadilifu, kuaminika, ukarimu, na njema zingine za roho. Mtu binafsi si tu sehemu yenye maslahi binafsi ya kiuchumi, akipambana daima kujipatia sehemu kubwa zaidi ya rasilimali za kimwili za ulimwengu. “Ubora wa mtu umo katika huduma na njema,” Baha’u’llah hunena kwa uthabiti, “na si katika uzuri wa mali na utajiri.” Na zaidi: “Msitapanye utajiri wa maisha yenu ya thamani katika kuhangaikia tamaa ovyu na za kifisadi, wala msiache jitihada zenu zitumike katika uendelezaji wa maslahi yenu binafsi.” Kwa kujiweka mwenyewe wakfu kwenye huduma ya wengine, mtu hupata maana na kusudi la maisha na kuchangia kwenye uinujaji wa jamii yenyewe. Mwanzoni mwa maandiko Yake yatukuzwayo sana *Siri ya Ustaarabu Mtakatifu*, ‘Abdu’l-Bahà hueleza:

Na heshima na utofauti wa mtu vimo katika hili, kwamba yeye miongoni mwa kaumu wa ulimwengu, hana budi awe chanzo cha ustawi wa jamii. je, kuna baraka kubwa zaidi iwezayo kufikiriwa kuliko hii, kwamba mtu, akijitazama ndani mwake, aone kwamba kwa rehema ithibitishayo ya Mungu amekuwa chanzo cha amani na ustawi, cha furaha na cha manufaa kwa binadamu wenzake? Hapana, kwa Mungu mmoja wa kweli, hakuna kipeo cha baraka zaidi, hakuna kinachopendeza zaidi.

Zikitazamwa katika muktadha huu, shughuli nyingi zinasofaa za kawaida za kiuchumi hujipatia umuhimu mpya kwa sababu ya uwezo wao usiodhihirika wa kuongeza kwenye hali njema na ustawi wa binadamu. “Kila mtu lazima awe na kazi, biashara au shughuli ya kiufundi,” hufafanua Bwana, “ili kwamba aweze kubeba mizigo ya watu wengine, na siyo yeye mwenyewe awe mzigo kwa wengine.” Masikini wanasihwa na Baha’u’llah “kujifanyia wenyewe jitihada na kupambana kujipatia njia za maisha”, ambapo wale ambao wamejaliwa ukwasi “lazima wawajali kwa kiasi kikubwa sana maskini”. “Ukwasi”, ‘Abdu’l-Bahà ametamka kwa dhati, “unastahili sifa kwa kiwango cha juu kabisa, ikiwa tu imepatikana kwa jitihada za mtu binafsi mwenyewe na kwa rehema za Mungu, katika biashara, kilimo, sanaa, na viwanda, na kama utatumika kwa makusudi ya kihisani.” Wakati huo huo, Maneno Yaliyofichwa yamejaa maonyo ya ushawishi wa hatari yake, kwamba ukwasi ni “kizuizi kikubwa” kati ya muumini na Kusudi lifaalo la ibada yake. Haishangazi, basi kwamba Baha’u’llah ametukuza sana daraja la ukwasi wa mtu ambaye hazuiwi na ukwasi kutoka kuufikia ufalme wa milele; utukufu wa roho kama hiyo “utawaangazia wakazi wa mbinguni kama vile jua liwaongoavyo watu wa dunia!” ‘Abdu’l-Bahà hutangaza kwamba “kama mtu binafsi mwenye busara mwelekevu angeanzisha hatua ambazo zingewanufaisha watu wengi, pasingekuwepo shughuli kubwa zaidi kuliko hii, na mbele ya Mungu yangeonekana mafanikio ya daraja tukufu

kabisa”. Kwa kuwa ukwasi unastahili mno sifa “ilimradi watu wote ni matajiri.” Kupima maisha ya mtu ili kuona ni nini kinahitajika na kisha kutekeleza kwa shangwe wajibu wa mtu kuhusiana na sheria ya Huqûqu’llâh ni nidhamu ya lazima ili kuleta aula za mtu katika uwiano, kuutakasa utajiri wowote ule mtu anaoweza kumiliki, na kuhakikisha kwamba ile sehemu ambayo ni Haki ya Mungu hujalia ustawi mkubwa zaidi. Kwa wakati wote, kutosheka na kiasi, ukarimu na hisia ya ubinadamu, kujitoa dhabihu na kutegemea Mwenyezi Mungu ni sifa ambazo huzifaa zile roho zenye kicho cha Mungu.

Nguvu za uyaikinifu zinaendeleza namna hasi ya kufikiri: kwamba furaha huja kutokana na pato la mara kwa mara, kwamba mwenye vingi zaidi ni bora zaidi, kwamba wasiwasi wa mazingira ni jambo la siku nyingine. Ujumbe huu upotoshao huchoea kupita kiasi hisia madhubuti ya haki ya ubinafsi, ambayo hutumia lugha ya haki na kufaa ili kuficha maslahi binafsi. Kutojali shida wanazopata wengine huwa sehemu ya kawaida ambapo burudani na kujishughulisha na furaha hutumika kwa uroho. Athari inayodhoofisha ya uyaikinifu hujipenyeza katika kila utamaduni, na Wabahà’i wote wanatambua kwamba, wasipo pambana kubakia wafahamivu wa athari zake, kwa kiwango kimoja au kingine wanaweza bila kujua kutwaa na kutumia namna yake ya kuutazama ulimwengu. Wazazi lazima wawe wenye utambuzi mkali kwamba, watoto hata wakiwa wadogo sana, husharabu kaida za mazingira yao. Programu ya uwezeshaji kiroho wa vijana chipukizi huhamasisha utambuzi wenye hadhari kwenye zama ambapo wito wa uyaikinifu hukua kwa msisitizo zaidi. Kwa kukaribia utu uzima huja wajibu, ukishirikishwa na kizazi cha mtu, kutoruhusu ufukuziaji wa mambo ya kidunia upofushe macho ya mtu kwenye mambo yasiyo ya haki na hali ya kunyimwa. Baada ya muda, sifa na mielekeo inayolelewa na kozi za taasisi ya mafunzo, kutokana na kurikaribia Neno la Mungu, humsaidia mtu binafsi kuona njozi za zamani kwamba, kwenye kila hatua ya maisha, ulimwengu hutumia kuuvutulia mbali umakinifu kutoka huduma na kuelekea nafsi. Na hatimaye, ujifunzaji wa kimpangilio wa Neno la Mungu na uchunguzi wa matokeo yake huongeza utambuzi wa haja kwa ajili ya kusimamia masuala ya kimwili ya mtu kwa kuzingatia mafundisho matakatifu.

Wapendwa Marafiki: Kukithiri kwa utajiri na umasikini ulimwenguni daima kuna kuwa kusikoweza kufikika zaidi. Kadiri upendeleo unavyochagiza, hivyo utaratibu ulioanzishwa unaonekana kuwa usiojiamini wenyewe, na thamani zake zinatiliwa mashaka. Sababu yoyote ya majonzi ambayo ulimwengu ulio katika migogoro itakayolazimika kukabiliana nayo hapo siku za usoni, tunasali kwamba Mwenyezi Mungu atawasaidia wapendwa Wake kukishinda kila kizuizi katika njia zao na kuwasaidia kuhudumia jamii ya binadamu. Kadiri

uwepo wa jumuiya ya Kibahà'i ulivyo mkubwa zaidi kwa idadi, ndivyo wajibu wao wa kutafuta njia za kushughulikia chanzo cha umasikini katika mazingira yake yanayozunguka ulivyo mkubwa zaidi. Ingawa marafiki wapo katika hatua za awali za ujifunzaji kuhusu kazi kama hiyo na wa kuchangia kwenye mijadala inayohusiana nayo, mchakato wa ujenzi wa jumuiya wa Mpango wa Miaka Mitano unaunda kila mahali mazingira yanayofaa ya kujiongezea maarifa na tajiriba, pole pole lakini endelevu, kuhusu kusudi la juu zaidi la shughuli ya kiuchumi. Kinyume na usuli wa kazi ya zama nyingi ya usimamishaji wa ustaarabu mtakatifu, hebu uchunguzi huu uweze kuwa sura ya wazi zaidi ya maisha ya jumuiya, fikra za kiasasi, na utendaji wa mtu binafsi kwa miaka ya usoni.

Umesainiwa na Nyumba ya Haki ya Ulimwengu